



*Rabu, 11 Agustus 2021*  
**Ogen: Pengerana 11:9**



*"Persinget man Anak si Nguda"*



**A**min Salomo enggo metua, lit denga kerincuhna mereken pedah-pedah man anak si nguda. Pedah gelah anak si nguda e pentar ndalani kegeluhenna. Masa-masa nguda, dem alu keriahen, dem alu cita-cita ras pengarapen ku si mehuli. Tapi melala kal si jadi tantangenna sabap sura-sura daging ngarak-ngaraksa. I je benakenna erngena ate man lawan jenisna, i je ka pergaulen bebas ras ndarami jati diri. Bebas atena arah aturen orang tuana nari, enggo akapna beluh ndalani kegeluhenna si sada, lanai nggit iatur. Pas kal mejile akapna bana, merincuh dalam-dalam ku ja akapna meriah. Ngidah si e nina Salomo, meriahlah atendu tupung kam nguda denga. Kesempatan nguda labo ndekah, nanamilah kiningudannu e. Saja perlu metenget, kerina si idahikenndu e sentudu min bagi sura-sura Tuhan, nataplah kempak Tuhan.

Salomo nginget masa ngudana, erkemalangen ia man Tuhan, inanamina penegu-negu Tuhan geluhna, datkenna si mehuli, jadi raja si pentar, erngena ate jelma si enterm man bana. Ietehna ngaturken rakyatna alu sikap, malem ate rakyatna ibahanna. Ijujurken Tuhan pe rejeki simpar man bana, jadi raja si bayak namura. Labo beluh Salomo, tapi Tuhan si njujuri. Arah pengalamenna e ibabaina pe anak si nguda gelah tetap natap kempak Tuhan.

I bas hari remaja nasional, si persingeti tole anakta gelah pentar bas pergaulen, pentar ndalani wari-wari, ngasup nguasai diri. I bas tantangan si erbage-bage e, Tuhan ibahnna guruna, kata Tuhan jadi rambu-rambu gelah la salah i bas muat keputusan. Tuhan meteh kerina si ibahanna.